



Молебен о православных воинах

в поход идущих

Благословен Бог наш...". Лик: "Царю Небесный". Трисвятое по Отче наш: Приидите, поклонимся... (трижды)

Псалом 90-й

Живѣй в по̀мощи Вы́шняго, в крѡве Бѡга Небѣснаго водворѣтся. Речѣт Гѡсподеви: Застѣпник мой есѣ и Прибѣжище моѡ, Бог мой, и упова̀ю на Него̀. Яко Той избавит тя от сѣти лѡвчи, и от словесѣ мятѣжна, плещма̀ Своеѣма осенѣт тя, и под крилѣ Его надеѣшися: ору̀жием обѣдет тя ѣстина Его. Не убойшися от страха̀ нощна̀го, от стрелы̀ летящѣя во дни, от вѣщи во тмѣ преходящѣя, от сряща, и бѣса полуденнаго. Падѣт от страны̀ твоеѣ ты́сяща, и тма одеснѡю тебѣ, к тебѣ же не приблизѣтся, обѣче очѣѣма твоѣѣма смѡтриши, и воздаянѣе грѣшников ѹ̀зриши. Яко Ты Гѡсподи, упова̀нѣе моѡ, Вы́шняго положѣл есѣ прибѣжище твоѡ. Не придет к тебѣ зло, и рана не приблизѣтся телесѣ твоемѹ, ꙗко Ангелом Своѣѣм заповѣсть о тебѣ, сохранѣти тя во всех путѣх твоѣх. На руках возмут тя, да не когда преткнѣши о камень нѡгу твою̀, на а̀спида и василѣска настѹпиши, и поперѣши льва и змѣѣ. Яко на Мя упова̀, и избавлю ѣ: покрѹю ѣ, ꙗко позна ѣмя Моѡ. Воззовет ко Мне, и услѣшу его: с ним есмь в скорби, измѹ его и прославлю его, долготѡю дней исполню его, и явлѹ емѹ спасѣнѣе Моѡ.

Мирная ектенѣя

Миром Господу помолимся!

лик: Господи, помилуй.

О свѣшнем мире, и спасенѣи душ наших, Господу помолимся.

О мире всего мира, благостоянѣи свѣтых Божиѣх церквей, и соединѣнѣи всех, Господу помолимся.

О свѣтем храмѣ сем, и с верою, благоговѣнѣем и страхом Божиѣм входящих вонь, Господу помолимся.

О православном епископствѣ Русскѣя Зарубежныѣя Церкви, о господинѣ нашем Высокопреосвященнейшем митрополитѣ Агафангелѣ, первоиерарсѣ Русскѣя Православныѣя Церкви Заграницей, о господинѣ нашем Преосвященнейшем [архиепископѣ, или епископѣ, имѣрек, егоже область], честнем пресвѣтерствѣ, во Христѣ диаконствѣ, о всем причтѣ и людѣх, Господу помолимся.

О страждущей стране нашей и православных людех ея, во отечестве и разсеянии сущих и о спасении их, Господу помолимся.

О еже избавити люди своя от нашествия безбожных и еретиков, в нас же утвердити единомыслие, братолюбие и благочестие, Господу помолимся.

О еже низвергнуть богомерзкое еретическое царство и власть, на ны движимая, и очистити землю людей Своих от нечестия их, и православным предати, Господу помолимся.

О еже подати силу и крепость христолюбивому воинству, и мужественное и храброе сопротив всякаго врага и супостата всегда показати, и рабом Своим мир и утверждение, и от всех бед и нужд, и вражиих наветов скорое освобождение даровати, Господу помолимся.

О еже не предати нас в поправление и разорение врагом и супостатом нашим, но в бегство все дерзновение их претворити, и мышцу их сокрушити, и под ноги верных Своих покорити, Господу помолимся.

О еже студа и безчестия лица сопротивных исполнити, сердца же их страха и ужаса, и Ангел Господень да будет поганяяй и поражаяй их, Господу помолимся.

О еже неослабну, непребориму, победительну же силу, крепость, и мужество с храбростию воинам (или воину, имярек) и всему христоименитому воинству нашему, на сокрушение врагов наших подати, Господу помолимся.

О еже пременити всю скорбь и сетование наше на радость и веселие, войну же в твердый мир обратити, и Церковь нашу непребориму от всех вражиих наветов всегда сотворити, Господу помолимся.

О еже умирить Церковь Свою святую, и невредимую и непоколебимую соблюсти от всякаго злаго обстояния всех сопротивных апостат, Господу помолимся.

О еже искоренити вся ереси и отступства, и насадити всюду благочестие и правоверие, Господу помолимся.

О еже обратити всех отступльших и заблудших от истины, к познанию православныя веры, и сопричтити их избранному Своему стаду, Господу помолимся.

О избавитися нам от всякия скорби, гнева и нужды, Господу помолимся.

Заступи, спаси, помилуй, и сохрани нас Боже, Твоею благодатию.

Пресвятую, Пречистую, Преблагословенную, славную Владычицу нашу Богородицу и Приснодеву Марию, со всеми святыми помянувшие, сами себе, и друг друга, и весь живот наш Христу Богу предадим.

Возглас: Яко Ты еси крепость и утверждение людем Своим, и Тебе подобает всякая слава честь и поклонение, Отцу и Сыну и Святому Духу, ныне и присно, и во веки веков.

Аминь.

"Бог Господь", глас 1-й.

Бог Господь и явился нам, благословен Грядый во имя Господне.

стих 1: Исповедайтесь Господеву, яко благ, яко в век милость Его.

стих 2: Обышедше обыдоша мя и именем Господним противляхся им.

стих 3: Не умру, но жив буду и повем дела Господня.

стих 4: Камень, егоже небрегоша зиждущии, сей бысть во главу угла, от Господа бысть сей и есть дивен во очесех наших.

Тропарь, глас 1-й:

Спаси, Господи, люди Твоя/ и благослови достояние Твое,/ победы православным христианом на сопротивныя даруя// и Твое сохраняя Крестом Твоим жительство.

Слава, и ныне: Кондак, глас 6:

Предстательство христиан непостыдное, / ходатайство ко Творцу непреложное,/ не презри грешных молений гласы, / но предвари, яко Благая, на помощь нас, верно зовущих Ти: / ускори на молитву и потщися на умоление, // предстательствующи присно, Богородице, чтущих Тя.

Запевы: Слава Тебе, Боже наш, Слава Тебе!

Лик: Слава Тебе, Боже наш, Слава Тебе!

Пресвятая Богородице, спаси нас!

лик: Пресвятая Богородице, спаси нас!

Слава Отцу и Сыну и Святому Духу!

лик: И ныне и присно и во веки веков. Аминь!

Избави от бед рабы твоя, многомилостиве, яко мы усердно к Тебе прибегаем, милостивому избавителю, всех владыце, Господу Иисусу.

Слава, и ныне: Кондак, глас 4:

Вознесыйся на Крест волею,/ тезоименитому Твоему новому жительству,/ щедроты Твоя даруй, Христэ Бже,/ возвесели силою Твоею

правосла́вныя христиа́ны,/ побéды дая́ им на сопоста́ты,/ посóбие имúщим Твое́ ору́жие ми́ра,// непобедíмую побéду.

Вонмем, премудрость, вонмем. Прокимен, глас 4-й:

Господи, услыши молитву мою, приими моление мое.

лик: Господи, услыши молитву мою, приими моление мое.

Стих: Скоро услыши мя, Господи.

лик: Господи, услыши молитву мою, приими моление мое.

Господи, услыши молитву мою,

лик: Приими моление мое.

Премудрость, прости, услышим Святаго Евангелия.

Мир всем.

От Марка святаго Евангелия чтение. Евангелие, зач. 51, (Мк 11.23-26).

лик: Слава Тебе, Господи, Слава тебе.

Рече Господь Своим учеником: имейте веру Божию: аминь бо глаголю вам, яко, иже аще речет горе сей: двигнися и верзися в море: и не размыслит в сердцы своем, но веру имет, яко еже глаголет, бывает: будет ему, еже аще речет: сего ради глаголю вам: вся елика аще молящеся просите, веруйте, яко приемлете: и будетъ вам: и егда стоите молящеся, отпускайте, аще что имате на кого, да и Отец ваш, иже есть на Небесех, отпустит вам согрешения ваша: аще ли же вы не отпускаете, ни Отец ваш, иже есть на Небесех, отпустит вам согрешений ваших.

лик: Слава Тебе, Господи, слава Тебе.

Сугубая ектения:

Помилуй нас, Боже по велицей милости Твоей, молимтися, услыши и помилуй.

лик: Господи, помилуй (трижды).

О страждущей стране нашей и православных людех ея, во отечестве и разсеянии сущих и о спасении их, Господу помолимся.

Еще мо́лимся Го́споду Бо́гу на́шему, о́ еже призрэти на стенáния слéзы и во́плъ люде́й сво́их в стра́ждущей странé на́шей, и ви́дев озлоблéние, нищету́ и смире́ние их, ми́лостиву бы́ти и отвратíти от них гнев Свой, остано́вити войну́ и поми́ловати я.

Не на нашу силу уповаем, не оружие спасает нас, Господи, но Твою всемогущую помощь призываем, и на Твою силу дерзающе вопием Ти: Сам, Господи, воспяті и погуби враги наша, и в руки верному Твоему православному воинству предаждь, молимся Тебе, услыши и помилуй.

Еще молимся, о еже воинам [воину, имярек] исполнив служение ратное в дом возвратитися и мирное житие пожити славяще Бога во всяком благочестии и чистоте.

Еще молимся Тебе, Господу Богу нашему, о еже прияти молитвы нас недостойных рабов Твоих в сию годину испытания, пришедшую на отечество наше, и о еже явити спасение Твое.

Возглас: Услы́ши ны, Бо́же, Спасі́телю наш, упова́ние всех концевъ земли́, и сущих в мѣри далѣче, и мѣлостив, мѣлостив бѣди, Влады́ко, о гресѣхъ на́ших, и помѣлуй ны: Мѣлостив бо и Человеколю́бец Бог еси́, и Тебѣ сла́ву возсыла́ем, Отцу́, и Сы́ну, и Свято́му Ду́ху, ны́не и прѣсно, и во вѣки веко́в.

И по возглашении: Со умилением паки и паки (преклоньше колена), Господу помолимся.

Молитва перед ратным походом

Господи Боже наш, послушавый Моисея простершаго к Тебе руке свои, и люди израелевы укрепивый на Амалика, и Иисусу Навину ополчившуся, попустил еси солнцу стати в образ победный. Ты и ныне услыши нас молящихся о собравшихся воех сих (имена) [о собравшимся воине сем]! И благослови, и укрепи их [его], и даждь им [ему] сердце мужественно на сопротивныя враги. Ангела света пошли им [ему], врагом же страшна и ужасна, запинаяща и поражающая, и сердце их расслабеваяща, и дерзновение в бегство претворяющая! Отимиже от рабов Твоих [раба Твоего] на брань ныне исходящих [исходящего], всякий глад и губительство, и избави от огня, и меча, и нашествия врагов, и от всякаго востания противнаго! Спутшественник им [ему] буди, и подаждь им [ему] вся яже к спасению прошения, научи их [его] и вразуми, спаси, защити, сохрани, очисти, и радости духовныя исполни! Душѣ и телу их [его] заступник и защитник буди! И яко благ и милосерд и человеколюбец прощение грехов подаждь им [ему], в день же Судный, помилуй их [его] и нас всех, и благослови вся дни живота нашего! Да от Тебе помощь и заступление, и избавление приимше, славу и благодарение всегда приносим! Ты бо еси крепость и утверждение людем Твоим, и Тебе славу возсылаем со Единородным Твоим Сыном, и Пресвятым,

и Благим, и Животворящим Твоим Духом, ныне и присно, и во веки веков. Аминь.

Ко Пресвятей Владычице нашей Богородице, помолимся.

Молитва ко Пресвятей Богородице о воинах, на поле брани сущих

Пресвятая Богородице, теплая наша Заступнице и Спасение всем, призывающим Тя! Не имамы иныя помощи, разве Тебе, Владычице, Ты бо еси едина надежда и упование наше. Не презри слез наших и не отрини усердных молений, но спаси от смерти и от бед сохрани воинов наших [имярек], на поле брани сущих. Укрепи их дух, утверди в заповедех Сына Твоего, умножи в них веру, просвети ум, даждь мужество во бранех, да, непорочно исполнивше ратное служение, целы и невредимы возвратятся в дома своя и прославят пресвятое имя Отца и Сына и Святаго Духа и Твое милостивное заступление. Аминь.

Иерей десницею благословляя воинство, глаголет:

Благословение Господне на всех вас, всегда, ныне и присно, и во веки веков, аминь.

Окропляет воина святой водой, глаголет:

Мужайся и да крепится сердце твое, и побеждай враги твоя уповая на Господа, во имя Отца и Сына и Святаго Духа. Аминь.

Премудрость.

Пресвятая Богородице, спаси нас.

Честнейшую Херувим/ и славнейшую без сравнения Серафим,/ без ислечения Бога Слова рождшую,/ сущую Богородицу Тя величаем.

Слава Тебе, Христэ Боже, Упование наше, слава Тебе.

Слава, и ныне. Господи, помилуй (трижды). Благослови.

Отпуст с Крестом в руках: Христос, истинный Бог наш, молитвами Пречистой Своей Матере, силою честного и животворящего Креста, заступлением святых великих Архистратигов Михаила и Гавриила, и всех Небесных сил безплотных, и святых великомучеников Георгия, Дмитрия, Прокопия, Феодора Стратилата и Тирона, святых воинов Великого князя Киевского Александра Невского и Илии Муромца, угодника Киево-Печерского, и всех святых Своих, помилует и укрепит вас в день брани, и спасет яко благ и человеколюбец.

Аминь!

И вси целуют Крест.